

Jacob Sebastian Lauremberg

Programma Quo Facultatis Iuridicae Decanus, Jacobus Sebastian Lauremberg, Iuris D. Pandectarum Professor Ducalis, Consistorii Provincialis Assessor ... Ad Disputationem Inauguralem Qua Vir Consultissimus & Clarissimus Dn. Joannes Mitzel ... III. Octobris in Auditorio ...

Rostochius: Kilius, 1667

<http://purl.uni-rostock.de/rosdok/ppn741215055>

Druck Freier  Zugang




Lesen der Altem,
deren Einordnung,
Bedeutungsbildung

RU jür. 1667

Jacob Sebastian Lauremberg, Praes. 16

Johannes Mißel, Resp.

mit Progr.



PROGRAMMA

Universitäts-
bibliothek
Rostock

^{Quo}
FACULTATIS JURIDICÆ
DECANUS,
JACOB SEBASTIAN
LAUREMBERG, Juris D. Pan-

deciarum Professor Ducalis, Consisto-
rii Provincialis Assessor,
suo, & prædictæ amplissimæ Facultatis nomine,

^{Ad}
DISPUTATIONEM INAUGURALEM

^{Quâ}
VIR Consultissimus & Clarissimus
DN. JOANNES MITZEL, Stral. Pom.,
J. U. Candidatus Eximius,
III. Octobris in Auditorio majori
Horis ante & pomeridianis.

pro rite & solemniter consequendis summis, in jure
utroq; honoribus, Titulis & privilegiis defungetur,
Magnificum DN. Rectorem, Professores omnium Facul-
tatum Celebratissimos, cunctos præterea, qui sincero Juris & Ju-
sticiæ amore tenentur, aut flagrant, præprimis venustissi-
mum Studiosæ Juventutis florem, insigne Lycei nostri
ornamentum, officiose & amiciter invitat.

ROSTOCHII, Typis JOHANNIS KILII, Acad. Typogr. 1667.



Cilicet quot homines, tot sententia: et quot sub sole istorum myriades, tot ingeniorum, animorumque crediderim depræhendi, observariq; posse varietates, figuras, discrimina; C. Plinius Veronensis, impiger, si ullus, & Sagacissimus rerum Naturæ, in venustissimo Historiæ suæ opere, confidenter asserit, in Universi orbis tractu, & latifundio non repperiri, nec sisti posse, vel tantum duos, nedum plures, qui facie, & vultu, & lineamentis omnibus, & membrorum positurâ, atque corporis, usque quaque sibi sint similes: Hæc mea est sententia, potiori jure istam disparilitatem in ingeniis mortalium advertere nos debere: quemadmodum enim quilibet, quasi naturæ imperio, aut ductu, ad virtutem, aut vicium, ut sic dixerim, privum, & familiare propendet, interdum & impetu, ceu equus subditis calcaribus follet, properat, aut ruit, ita & cujusvis ad certa inclinatur, & rapitur genius studia, aut artes. Loquar primum Monarchas, & orbis dominatores, quorum ad exemplum omnes, si boni sint commatis, conformare se omnino debent, si vecorditer regnent, pravique tenaces, tamen æmulari eorum mores qui placere se student imperantibus, & omnia principum honesta atque inhonesta non laudare tantum, sed & sequi solent, comperimur. *Nero bestia verius quam homo, aut homi-*

nis

nis certe monstrum aurigari, *Claudius*, aleam ludere,
Flavius Domitianus, itemque *Theodosius II.* Sagittare,
& iacula emittere, *Aurelius Commodus* ille verè gravis
& incommodus Reipublicæ, & cunctis, cum gladiato-
ribus congregari & decertare *Heinricus I.* fallere vo-
lucres laqueis viscoque, *Ptolemæus Philadelphus*, & *De-*
metrius Poliorcetes fabricare Machinas, *Antonius Pius*
hortos agrosque colere, relictis etiam interdum seriis
publicisque (quis laudet!) tam industriæ, & sedulo,
tanto cum animi prolubio, & oblectatione, ut quem-
vis ad suum istud exercitamentum, non adeo tamen
decens Virum Principem, aut ornans, naturam for-
masse, aut finxisse videri potuisset. Imperatorium
certe magis studium, *Alphonse Castulonensis* fuit
qui coelos, & defectus lunæ varios, solisque labores
observavisse, & scrutatus esse, *Gordiani*, qui Pœsi adeo
deditus, ut libros disertissimorum, leporis, dulcedi-
nis, & gravitatis multum habentium versuum triginta,
conscribellasse, *Ælii Adriani*, & *Aurelii Alexandri Severi*,
qui Græcica oppidò tractasse, *Claudii Taciti*, qui hel-
luo literarum tantum fuisse ut nunquam totam noctem somno
sed & aliquam ejus partem studiis impenderet, in an-
nalibus leguntur; Neque aliter comparatum est pro-
fecto, cum privatæ conditionis hominibus, suis cuique
mos, trahit sua quemque voluptas, non omnes eodem
delectantur vitæ genere; Mittamus quæstuosam
Mercurialium Virorum turbam, Opificum, nauta-
rum,

rum, institutorum, tam diversi ordinis, tam diversæ sectæ, operarum, ut vel nomina desiant, quibus plane, latineque indigentur. Ipsi Musarum adscriptitii, aut cultores, non unam incedunt viam, non uno ambulat tramite: Equidem ambitiosum, aut temerarium foret, judicare, aut definire, nec arrogantia criminis, aut culpæ expers, quæ artium, aut scientiarum præstantissima judicanda; id tamen dicere ausim, ex iis, quæ Civilem, Politicamque vitam formant, Juri nostro dignationis, utilitatisque Eminentiam esse adjudicandam; cui assiduissimam inde operam, & tempora impartiti sunt, è Romanis Imperatoribus *Cæsar Julius, Galba, Aurelius Antoninus, Constantinus M.* & pene alii innumerabiles, quorum memoriam gloriosam Codex repetitæ Prælectionis quasi Nomenclator aliquis, aut index colit, & præsentat: Verumenimvero palmam præripuit omnibus *D. Justinianus*, qui in somnes exegisse se gloriatur noctes (& quis non credat?) ut opus desperatum, & immensum, tot mille Voluminum, & mole sua terribile, confusumque, in luculentam erigeret consonantiam, quicquid Atlas aliquis humeros subdidit prothymè, moli inconditæ & informi veterum Legum Chaos;

Hanc divinarum humanarumq; rerum noticiam aut scientiam, judicii rectitudine consilium suggerente, amplexus est Præcellens, & Clarissimus Vir DN JOANNES MITZEL, qui ne cruda in forum, aut aula

am

aut academiam, cuiusque tandem destinatus functioni sit
calitus, protruderet, liberalium artium studia & elegantio-
res literas felici, & raro (non adulator) contubernio
cum ista LL arte copulavit, opeque summa, tamque
alacriter Civilis Sapientiae, Jurisque mysteria perscu-
tatus est, ut ipsi, perfectio legitimo opere, precium,
praemiumque laborum, vigiliarumque merito debea-
tur; at enim vero ne morem vetustum, nec adeo inlau-
dabilem migravisse arguamur, CL. DN. Candidati no-
stri Virtute atque eruditione conspicui Historiam vitae
memorabimus. Natus ille est patre Praenobili atque Strenuo
GEORGIO MITZELN, Sereniss. Regiae Majestatis Sve-
cicae desultorum Equitum Turmae praefecto, sive Capita-
neo: Matre APOLLONIA Haubmannin / quae ex claris-
sima Summera in Palatinatu inferiori quondam, nunc
Breda in Brabantia florentissima familia originem duxit.
His parentibus nondum primo aetatis exacto lustro orbatum,
cum aliis publice constitutis tutoribus, imprimis vir Integerrimus
DN. MARTINUS Diederichs / civis ac negotiator
apud Stralsundenses honestissimus, parentum vices edocu-
matam pietate suscipiens, non solum per domesticam, sed &
publicam Gymnasii dictae urbis disciplinam, omnibus & pie-
tatis & literarum, quae quidem in istam aetatem cadunt, rudi-
mentis sollicita semper cura imbui curavit, donec post amplio-
res in studiis progressus, quos in literario isto ludo, sub Viris
multo Doctissimis, informandaque juventutis dexteritate
praestantissimis fecerat, iisdem sparentibus, ad celebrem
Tube-

1667. Anno 1667.

Lubecensium Scholam ablegaretur, ubi Praeceptoribus, quos
tum illa Schola, ut in omni eruditionis genere, ita praesertim
historiae cognitione excellentes habebat, hodieque in Philolo-
gia habet Viros excellentissimos, tum in aliis omnibus liberali-
bus studiis, tum imprimis in frequentibus Declamationum
exercitiis adeo satisfecit, ut ipsi illi sublimius aliquod, & pra-
ter cetera Julium Lycaum adire auctores fuerint. Cui consi-
lio non refragatus, cum Helme Stadium Anno 1660. ingressus
esset, hospitem elegit magnum illud Germania decus HER-
MANNUM CONRINGIUM, cujus tum publicam tum pri-
vatam informationem in iis, quae ad arduam civilis prudentiae
scientiam facere videbantur, cum per biennium perfruitus fu-
isset, praeter alia Philosophorum tam lectionum quam dispu-
tationum instituta exercitia, & Ceterorum etiam, uti D. N.
HAHNII, EICHELII, GLÆSERI &c. interea haud ne-
glexit: sed ipsorum auditoria, eam qua potuit, sedulitate fre-
quentavit. Hinc à Curatoribus ob res familiares suas,
quas turbulentus istius tempestatis in Pomerania status, non
minus ac alia omnia involuerat, componendas, revocatus,
Stralsundumque Anno 1662 reversus, negotio propter quod
venerat expedito, in Electoralem Prussorum Academiam eo
instituto abiit, ut omni isthuc studiorum decurso stadio, peregrina-
tioneque instituta & peracta, summa nostri studii conseque-
retur premia. Quod ceptum institutum, cum semper, quoad po-
tuerit, gnaviditer ursisset, tum fructuosissimam conversationem, tum
exquisitissimam informationem Virorum quorumvis, partim in
Aula, partim in Athenaeo illo Borussiae multo maxime Illu-
strum

strium, per Integrum quadriennium usus, interea à Viro No-
biliss. atque Consultiss. DN. PETRO WEGERO, fcto
Celeberrimo, Sereniss. Elect. Brandeb. Consil. Consistor. Su-
premi Appellation: nec non Judicii Aulici in eadem provinciâ
Advocato Ordinario, ad Ephoriam filii unici, PETRI WE-
GERI, Philosoph. & LI. Studiosi in hac nostra Academiâ
florentissimi, vocatus, hanc cum ipso Academiâ adire, &
biennio inter studiorum culturam hic bene locato, per Germa-
niam, Galliam Angliam, Bataviam &c. peregrinari jussus
est. Quod arduum prolixi itineris negotium cum jam propè
suscipiendum instaret, postquam non solum Opponentis mu-
mus sapius, sed et concinnatâ dissertatione de INDULTIS
MORATORIIIS, Preside Viro Nobilissimo atque Excel-
lentissimo DN. HERMANNO Lembken / Antecessore &
Syndico opidana hujus Reip. merentissimo, in hac Varniacâ
Respondentis partes, summâ cum laude, & maximo audi-
torum plausu sustinisset, metam studiorum attingisse seratus,
ab Amplissima Facultate nostra, honestissimo ambitu
& laudabili prensatione virtutis eruditionisque exi-
miâ, aut hostimentum, aut mercedem, Supremos in-
jure Honores sibi conferri amabili decentiâ petiit;
Quæ, sicuti nihil magis in votis habet optatque flagran-
tius, quam ut Eximiorum Virorum Juvenum, studio-
rum certâ fiduciâ succinctorum, & ad magna tenden-
tium pulcerrimas destinationes omnibus modis pro-
motum ire possit; ita prædicto Clarissimo Dn. Candi-
dato, viam pandere & aditum ad privatum Examen

rigo-

J. JOHANNIS KILII, Acad. Typ. Anno 1667.

rigorosum nihil est pigrata: in quo se Legum Jurisque
egregiè solertem dedit, ingeniùq; nobis promptitudi-
nem & Eruditionem solidam satis & super probavit.
Restat nunc publicus agón, & certamen seu disputatio,
ut dici sœvit, Inauguralis, quam conscripsit eruditam
sane, atque elaboravit **DE LECTIONE ET RELA-
TIONE ACTORUM SENTENTIISQ; EX ILLIS
CONCIPIENDIS**; hocce fine, ut sicuti Nobis priva-
tim, egregiè ostendit; sic omnibus publicitùs inno-
scent dignissimum esse eum, qui exoneretur & insigniatur
**DOCTORALIBUS TITULIS ATQ; INSIGNI-
BUS**. Dicta dies est panegyri huic, imminentis Men-
sis Octobr. quapropter, ut eam accessu & præsentia,
audientiæ favore, Examinis placidi & benivolentis
symbolis honorare dignentur, officii ratione, quod in
præsens fungor, meo, & Amplissimæ Nostræ Faculta-
tis nomine Magnificum DN. Rectorem, DN. Profes-
sores, omnium Facultatum Excellentissimos, cun-
ctosq; præterea, quibus alma Themis, Musæq; invisæ
non sunt, aut odio, præprimis Nobilissimam Studio-
forum Juvenum Coronam, etiam atq; etiam vehemen-
ter officiosèq; rogo, atq; DN. Candidatum beneficii
tanti ætatè recordatissimum fore spondeo, meq;
ad omnem officiorum promptitudinem bo-
nâ fide obstringo, mancipòq;.

FFF

*Hic proponitur, quod de cap-
ta, hoc casus.*

